



Na osnovu člana 56. Zakona o organizaciji uprave u Federaciji Bosne i Hercegovine („Službene novine Federacije Bosne i Hercegovine“ broj: 35/05) i člana 51. Zakona o izvršenju Budžeta Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 16/23) i člana 13. Pravilnika o načinu, uslovima, kriterijima i postupku dodjele sredstava za finansiranje/sufinansiranje zahtjeva i projekata neprofitnih organizacija („Službene novine Bosansko-podrinjskog kantona Goražde“ broj: 16/23), a u skladu sa Programom utroška sredstava Ministarstva za boračka pitanja sa ekonomskog koda 614 300 – «Tekući transferi neprofitnim organizacijama», na koji je Vlada Bosansko-podrinjskog kantona Goražde dala saglasnost Odlukama broj: 03-11-92/24 od 18.01.2024.godine i broj: 03-11-50/24 od 11.01.2024.godine, Ministarstvo za boračka pitanja Bosansko-podrinjskog kantona Goražde **r a s p i s u j e:**

## JAVNI POZIV

za podnošenje zahtjeva za finansiranje redovne djelatnosti udruženja boračkih populacija koja će se finansirati/sufinansirati iz budžeta Ministarstva za boračka pitanja za 2024.godinu

### I

Predmet Javnog poziva je podnošenje zahtjeva udruženja boračkih populacija čija će se redovna djelatnost finansirati/sufinansirati iz budžeta Ministarstva za boračka pitanja za 2024.godinu, ekonomski kod 614 300 – Tekući transferi neprofitnim organizacijama.

Programom utroška sredstava sa ovog ekonomskog koda, budžet za ove namjene je utvrđen u visini 150.000,00 KM.

### II

Pravo učešća u Javnom pozivu imaju udruženja boračkih populacija utvrđena u članu 265. Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Sl. novine BPK Goražde“ broj: 9/13, 11/14, 15/19 i 5/22).

### III

Uz zahtjev za finansiranje, udruženja iz tačke II Javnog poziva su obavezna dostaviti slijedeću dokumentaciju:

1. Rješenje o registraciji;
2. Uvjerenje iz Registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo za pravosuđe upravu i radne odnose Bosansko-podrinjskog kantona Goražde, koje nosilac budžetskih sredstava pribavlja po službenoj dužnosti;
3. Uvjerenje o poreskoj registraciji - identifikacioni broj;
4. Izvod iz važećeg Statuta, ovjeren od strane nadležnog organa, iz kojeg su vidljivi ciljevi i djelatnosti Aplikanta;
5. Izvještaj o urednom finansijskom poslovanju (bilans stanja i bilans uspjeha za prethodnu godinu, ovjeren od strane nadležnog organa);
6. Uvjerenje o izmirenim poreskim obavezama (original ili ovjerena fotokopija ne starija od 6 mjeseci);
7. Uvjerenje o izmirenim poreskim obavezama i doprinosima za zaposlenike (ukoliko ima zaposlenika, original ili ovjerena fotokopija ne starija od 6 mjeseci);
8. Narativni finansijski izvještaj o radu za prethodnu godinu usvojen od strane nadležnog organa Aplikanta;
9. Program rada i finansijski plan za godinu u kojoj se finansiranje traži;
10. Dokaz o aktivnom transakcijskom računu (potvrda banke ili ovjerena fotokopija ugovora) i
11. Drugu relevantnu dokumentaciju.

#### IV

Zahtjevi i programi/projekti se podnose **Ministarstvu za boračka pitanja Bosansko-podrinjskog kantona Goražde**, na adresu Prve slavne višegradske brigade broj 2a, 73000 Goražde, ili predaju na pisarnicu Kantona tokom radnih dana u periodu od 08<sup>00</sup> - 16<sup>00</sup> sati.

Rok za dostavljanje prijava je 10 dana od dana objavljivanja Javnog poziva.

#### V

Finansiranje redovne djelatnosti organizacija-udruženja vršiti će se u skladu sa pozitivnim zakonskim propisima u vidu mjesečnih anuiteta (tranši).

Na prijedlog Ministarstva za boračka pitanja, odluku o visini mjesečnih tranši donositi će Vlada Bosansko-podrinjskog kantona Goražde.



Broj: 11-11-197/24  
Goražde, 08.02.2024.godine

**DOSTAVITI:**

1. Oglasna ploča BPK Goražde;
2. WEB stranica Vlade BPK Goražde i
3. Evidencija.